

卷十二 燥門

消渴

燥結

卷十四 鬱門

六鬱

氣滯

氣刺痛

卷十五 寒鬱門

心脾痛

腹痛

腹中窄狹

Dr. Saiki's Library.

架號
或番
函之
冊

4440

備
考

京都產院文庫藏書

in 1845-46

丹溪心法附餘卷十三

匏集

已集

燥門

消渴六十八

丹溪心法

○消渴養肺降火生血為主 分上中下治 三消皆禁用半

夏血虛亦忌用口乾咽痛腸燥大便難者亦不宜用汗多者不


可用不已必用薑盞製 消渴若泄瀉先用白朮白芍藥炒為

末調服後却服前藥即諸汁膏 內傷病退後燥渴不解此有

餘熱在肺經可用參苓甘草少許生薑汁調冷服或以茶匙桃

薑汁與之虛者可用人參湯 天花粉消渴神藥也 上消者

肺也多飲水而少食大小便如常 中消者胃也多飲水而小



便赤黃 下消者腎也小便濁淋如膏之狀面黑而瘦

入方

黃連末 天花粉末

人乳汁 羊乳藕汁

生芋汁

右後二味汁為膏入前三味搜和佐以薑汁和蜜為膏徐徐
留舌上以白湯少許送下 能食者加軟石膏瓜蒌根

附諸賢論

劉河間宣明論曰燥乾者金肺之本燥金受熱化而成燥澁也
兼火熱致金衰耗液而損血鬱而成燥者由風能勝濕熱能
耗液故經云風熱火同陽也寒濕燥同陰也又燥濕小異也
金燥雖屬秋陰而其性異於寒濕而反同於風熱火也又加
天便乾澁乃大腸受熱化火燥澁經云諸澁枯涸又如難瘕

中風皆因火熱耗損血液玄府閉塞不能浸潤金受火鬱不能發聲經云肺主聲肢痛痠戾者風熱濕相致而遂以偏枯語音澁手足不隨也然中寒吐瀉亡液而成燥亦以鮮矣亦有寒濕相鬱榮衛不能開發貫注多成偏枯經曰諸澁枯涸乾勁皴揭屬於燥也 又如胃膈痺熱煩滿飢不欲食或痺或消中善食而瘦或燥熱鬱甚而成消渴多飲而數小便狂陽心火燥其三焦腸胃燥澁拂鬱而水液不能宣行則周身不得潤澤故瘦悴黃黑也而燥熱消渴然雖多飲亦其水液不能浸潤於腸胃之外湯不能止而便注為小便多出俗未明妄為下焦虛冷誤人多矣 又夫周身熱燥鬱故變為雀目或內障癰疽瘡瘍上為咳嗽喘下為痔痢或停積而濕熱

內甚不能傳化者變為水腫腹脹也世傳消渴病及消瘦弱
或小便有脂液者為消腎也此為三消病也 消渴 消中
消腎 經意皆云熱之所致也

附諸方

東垣曰膈消者以白虎加人參湯治之 中消者以調胃承氣
湯三黃丸治之 下消以六味地黃丸治之

人參石膏湯即白虎加人參湯治膈消上焦燥渴不欲飲食

人參半兩 石膏二兩二錢 甘草四錢 知母一錢

東垣加黃芩杏仁

右咬咀每服一兩水二盞粳米一撮煎至一盞去滓通口服
無時

清心蓮子飲

治心經蘊熱作渴小便或赤澁或濁

黃芩

麥門冬

地骨皮

車前子

甘草各三錢

蓮子

茯苓

黃芪

柴胡

人參各三錢半

右咬咀水煎服

六神湯三因方治三消渴疾

枇杷葉

瓜蒌根

乾葛

蓮房

甘草

黃耆各等分

右咬咀每服四錢水一盞空心煎服小便不利加茯苓

地黃飲子簡易方治消渴咽乾而亦煩燥

人參去芦

生乾地黃洗熟乾地黃

黃芪蜜炙

天門冬去心麥門冬去心澤瀉

石斛去根炒

枇杷葉去稍 枳殼去穢麩炒甘草炙各等分

右咬咀每服三錢水一盞煎七分食後溫服

硃砂黃連丸秘方治心虛蘊熱或因飲酒過多發為消渴

硃砂二兩別研 宣連三兩 生地黄二兩

右為末煉蜜丸如梧桐子大每服五十丸灯心棗子湯送下
烏梅五味子大咸專治消渴生津液

五味子 巴戟酒浸去心百藥煎 烏梅 甘草各等分

右咬咀每服四錢水一盞空心煎服

補腎地黃丸秘方降心火益腎水治消渴除骨蒸壯筋骨明眼目

生地黄半斤酒浸及二日蒸爛研膏與黃柏拌晒乾 鼠苓二兩酒炒

白茯苓四兩黃柏一斤剉同地黃晒乾

當歸須洗

枳殼去穰 麥門冬去心一兩熟地黃酒浸天門冬去心

揀參 甘菊花各二兩 生芩一兩

右為末滴為丸如梧子大每服七十丸空心鹽酒下

麥門冬飲子宣明方治膈消胸滿煩心津液短少消渴

五味子 知母 甘草炙 瓜蒌仁 人參

乾葛 生地黃 茯神各二兩麥門冬二兩去心

右咬咀每服一兩水二盞竹葉十四片煎一盞溫服

川黃連丸 治消渴

川黃連五兩天花粉 麥門冬去心各二錢半

右為末生地黃汁并牛乳夾和搗丸梧子大服三十九梗米

湯送下

玉泉丸 治煩渴口乾

麥門冬 志人參

茯苓

黃芪

半生半蜜炙

烏梅焙

甘草各二兩 瓜蒌根

乾葛各一兩半

右為末蜜丸彈子大每一丸溫湯嚼下

甘露湯 經驗方治煩渴口乾

百藥煎

白乾葛各三錢

烏梅

五味子

天花粉各一錢

甘草半錢

右咬咀水煎服

又方 經驗方 經驗止渴及除瀉後煩渴常服調中和氣

茯苓

人參各五錢

乾葛一兩

藿香

木香

甘草各一錢半

右咬咀每服一兩水二盞煎至一盞去滓通口服加滑石亦可
括萋湯經驗方治消渴小便多

用括萋根薄切炙五兩水五升煮取四升隨意飲

括萋丸

用括萋根薄切用人乳汁拌蒸竹瀝拌晒為末煉蜜為丸如
彈子大噉化或丸如菉豆大每服一百丸米飲下

忍冬丸 治消渴既愈之後須預防發癰疽之患

用忍冬草不以多少根莖花葉皆可用置瓶罐內用無灰好
酒浸以糠火煨一宿取出晒乾入甘草少許碾為細末以所
浸酒打麵糊為丸如梧子大每服一百丸不拘時溫酒米飲
任下

一方用忍冬草水浸煎服

黃耆六一湯 治諸虛不足胸中煩悸常消渴或先渴而欬發
癰疽或病癰疽而作渴並宜服之 見盜汗

大黃甘草飲子宣明方治男子婦人一切消渴不能止者

甘草大麓者四兩長四指打碎 大黃一兩半錦紋者

大豆五升煮三沸另淘苦水再煮

右三味用井水一桶將前藥同煮三五時如稠糊水少更添
豆軟於盆中於冷令病人食豆渴飲湯汁無時候食盡如渴
燥止罷不止再煮前藥不三次病即去矣

○已上諸方治上消之劑

調胃承氣湯

三黃丸俱見火類

順氣散拔萃方消中暑熱在胃而能飲食小便黃赤以此下之不可多利微利至不飲食而愈

厚朴姜製一兩

大黃四兩 枳實一兩

右咬咀水二盞煎至一盞去渣通口服無時

人參白朮湯宣明方治胃膈痺熱煩滿飢不欲食痺成為消中善食而瘦燥熱鬱甚而成消渴多飲而數小便兼療一切陽實陰虛風熱燥鬱頭目昏眩中風偏枯酒過積毒一切腸胃燥澀倦悶壅塞瘡疥癰痺并傷寒雜病產後煩渴氣液不得宣通

人參

白朮

當歸

芍藥

大黃

山梔子

荊芥穗

薄荷

桔梗

知母

澤瀉各半兩

茯苓皮

連翹

瓜蒌根

乾葛各一兩

甘草三兩

霍香葉

青木香

官桂各二分即二分半是也

石膏四兩

寒水石二兩

滑石半斤

右為細末每服抄五錢水一茶盞入盆硝半兩生薑三片煎至半盞絞汁入蜜少許溫服漸加至十餘錢得臟腑流利取効如常服以意加減煎服消痞丸散以散腸胃結滯溫熱內甚自利者去了大黃芒硝

消痞丸 宣明方治積溫熱毒甚者

身體面目黃心膈脹滿嘔

吐不能飲食痿弱難以運動咽嗑不利肢體焦乾眩暈膈熱坐卧不寧心火有餘而妄行上為咳血衄血下為大小便血腸

風痔癰三焦壅滯悶痺熱中消渴傳化失常小兒疳積熱

黃連

乾葛各一兩黃芩

大黃

黃柏

梔子

薄荷

藿香

厚朴

茴香炒各半兩

木香

辣桂各二錢半

青黛一兩研牽牛二兩

右為細末滴水丸如小豆大每服十丸新水下溫水亦得小兒丸如麻子大病本濕熱內甚不自利者去大黃牽牛忌發

熱諸物

黃連猪肚丸

三四方治強中消渴

黃連

去鬚梁米

瓜蒌根

茯神

各四兩

知母

麥門冬

去心各二兩

右為末用大猪肚一箇洗淨入藥末於內以麻線縫合口置

中炊極爛取出藥別研以猪肚為膏再入蜜搜和前藥并

數千下丸如梧桐子大每服五十丸人參湯下 方加人

參熟苳濟生除知母梁米用小麥

加味錢氏白木湯直指方治消中消穀善飢

人參 白朮 白茯苓 甘草炙 藿香葉一兩

枳殼去穰麩炒半兩 乾葛二兩 木香 北五味

柴胡各半兩

右吹咀每服三錢水一盞煎服

五豆湯端竹能解酒毒止消渴此發小兒豆疹不出并解發渴

之証後成瘡癢者

黑豆 黃豆 綠豆 青豆 赤小豆各五升

乾葛一斤甘草一斤貫衆半斤

右前藥俱不剉用水五斗五升騰八日用大鍋熬至乾漚出
巨汁另以磁甕盛之箬葉紙里封春夏月開用酒後消隨意
飲大人渴後或成瘡瘍小兒一匙不出皆可飲最妙

灸法祕方近世醫者不審病源何而得不明虛實每以補藥
投之遂致不救可惜也殊不知癰者乃積熱也復以執藥與
之是乃失之若服補藥即寸口脈乳其人下熱即不可治也
甚者吐血而死有灸法甚妙今病人豎其兩手剪去中指甲
於兩手中指頭上各灸一炷如大豆令兩人發火仍令兩人
吹去各指尖上灸焙其火必爆再用艾焙兩箇兩脚二處太
衝脈上亦依前法兩人發火吹之亦爆高五六寸四箇艾焙

有四箇小孔處此其驗也其人立飲食黃色遂退更先多百
會元一焙如前法吹之萬不失一也

○已上諸方治消中之劑

六味地黃丸

見補損

八味丸加減

治心腎不交消渴引飲

本方減附子加五味子

方見補損

玄菟丹和劑方治腎水枯竭津液不生消渴諸証

兔絲子酒浸研焙乾末十兩

白茯苓二兩去皮淨

乾蓮肉

酒浸三兩

五味子

酒浸焙半兩

右為末別研山藥末六兩將三藥餘酒更添煮糊搜和搗數
千杵丸如梧桐子大每服五十丸米湯空心下

愛道齋

服之亦好

鹿茸丸 三四方治天志傷腎虛消渴小便無度

鹿茸 去毛炙七錢半

麥門冬 去心二兩

熟地黄

黃耆

五味子

雞胫胫 麩炒

肉苁蓉 酒浸 山茱萸

破故紙 炒

牛膝 酒浸

人參 各七錢半 白茯苓

地骨皮

玄參 各五錢

右為末蜜丸如梧桐子大每服三十丸米湯下

加減腎氣丸濟生方治腎氣不足心火上炎口舌乾燥多渴引飲肌體損瘦並宜服之

山茱萸肉

白茯苓 去皮

牡丹皮 去心

熟地黄 酒蒸

五味子

澤瀉

鹿角 鎔

山藥 炒各二兩

丹溪心法附錄卷之八

官桂 不見火沉香不見火各半兩

右為末煉蜜丸如梧桐子大每服七十丸鹽湯米飲任下

弱甚者加附子半兩煎淮黃芪湯

人參散 宣明方治消腎善飲而食後數小便弱者

人參 砂仁各三錢白朮 澤瀉 瓜蒌

桔梗 枳實 連翹 各半兩葛根 黃芩

大黃 薄荷 茯苓 各二兩半草二兩半石膏一兩半

滑石 寒水石各三錢

右為末每服五錢水一盞煎至七分入蜜少許再煎三三沸

去滓食前服食後服消痰丸

○已上諸方治下消之劑

燥結 六十九

已集

丹溪心法

○燥結血少不能潤澤理宜養陰

入方 治大腸虛秘而熱

白芍 兩半 陳皮

生芩

歸身 一兩 條芩

甘草 一錢

右為末 粥丸 白湯下 七八十丸

附脈理

脈訣舉要曰 執脈伏時或而數便秘必難治不可錯

附諸方

潤肺丸 丹溪秘方能潤血燥大便不通

麻子仁

當歸

桃仁

生芋

枳殼各一兩

右為末煉蜜丸如梧子大每服五十九空心白湯下

導滯通幽湯

治大便難幽門不通上衝吸門不開噎塞不便

燥祕氣不得下治在幽門以辛潤之

當歸身

升麻

桃仁泥各一錢

生芋

熟芋各半錢甘草炙

紅化各三錢

右作一服水煎食前調換四末五錢或加麻仁泥一錢加大

黃名當歸潤燥湯

潤燥湯

升麻

生芋各三錢

生甘草

大黃煨

熟芋

桃仁泥

生

各三錢紅花半錢

右除桃仁麻仁另研作一服水煎次下桃仁麻仁煎空心熱服
活血潤燥丸 治大便風祕血祕常常燥結

當歸稍一錢

防風三錢 大黃紙裹煨羌活各一兩

桃仁二兩研如泥

麻仁二兩五錢研

皂角燒存性

兩三錢其性得溫則滑滑則燥結自開

右除二仁另研外餘為末後和勻蜜丸梧子大空心服五十
丸白湯送下三兩服後以蘇子麻仁粥每日早晚食之大便
不致結燥以磁器盛之紙封毋令見風

脾約麻仁丸 和劑方治腸胃熱燥大便秘結

厚朴 去皮姜製芍藥

枳實 熬炒各分杏仁 去皮尖炒

麻仁 另研各五錢

大黃 蒸焙一兩六錢

紅為末蜜和丸如梧子大每二十九臨卧溫水下大便通利

即止

滋腸五仁丸楊氏方治津液枯竭大腸祕澀傳道艱難

栢子仁半兩桃仁

杏仁炒去皮尖各二兩陳皮四兩另為末

松子仁一錢一分

郁李仁炒二錢

右將五仁別研為膏入陳皮末研勻煉蜜丸如梧子大每服五十丸空心米飲下

潤腸湯楊氏方治大便秘澀連日不通

麻子仁

一盞半細研用水浸漚去皮取濃汁

芝麻半盞微炒

研用水浸取濃汁

桃仁

湯泡去皮尖炒黃研去泥

荊芥穗搗末各一兩

右前藥入鹽少許同煎可以代茶飲之以利為度

橘杏丸濟生方治老人氣秘大腑不便

橘紅取末 杏仁湯浸去皮尖各等分

右為末煉蜜丸如梧子大每服七丸空心米飲下 此治脈

浮晝便難者如脈沉夜便難用桃仁橘紅

紫蘇麻仁粥 老人服之能順氣滑大便

紫蘇子

麻子仁

右二味不拘多少研爛水瀝取汁煮粥食之

潤腸丸齊生方治發汗過多耗散津液大腑秘結

肉苁蓉

酒浸焙二兩

沉香另研一兩

右為末用麻子仁汁打糊為丸如梧桐子大每服七十九空

心平飲下

搜風膽氣丸

治虛老之人大便結燥

方見中風

潤腸丸

直指方

治大便澀閉

陳皮半兩

阿膠炒

防風各二錢半

杏仁炒去皮尖

枳殼

去穢炒

麻仁各半兩

右為末煉蜜丸如梧子大每服五十九蘇子湯荊芥湯任下

大黃飲子聖惠方治身熱大便不通

川大黃濕紙裹煨

杏仁去皮尖炒

升麻

枳子仁

枳殼

去穢炒各五錢

生地黄兩入參

黃芩

甘草

二錢半

右咬咀每服一兩生薑五片豉二十一粒烏梅一箇水二

煎至一盞去滓食前通口服 一方用枳實

通神散良方治婦人大便不通

大黃

芒硝

桃花

郁李仁湯泡去皮微炒各一兩

木香半兩

右為末每服二錢米飲調下空心加四物湯二錢尤妙

大麻仁丸良方治婦人腸胃風結大便常秘

火麻子去殼研膏

大黃炒二錢枳殼

木香

枳殼各一兩

右為末與麻仁研勻煉蜜為丸如梧子大每服三十丸食前

白湯下

○已上諸方治血液枯涸燥結之劑

調胃承氣湯

小承氣湯

大承氣湯 已上三方治風寒傳裏熱厥極深大便燥結以此

下之 方見火類

三和散和劑方治七情之氣結于五臟不能流通以致脾胃不和心腹痞悶大便秘澀

羌活去芦紫蘇去梗宣木瓜薄切焙 沉香各一兩

木香 白朮 檳榔各七錢半 芍藥三兩

甘草炙 陳皮各七錢半 大腹皮一兩

右吹咀每服五錢水一盞煎六分不拘時服

枳殼丸濟生方治腸胃風氣壅盛大便秘實

枳殼去穢炒 川大黃 羌活去芦 木香不見火 橘紅

桑白皮密炒 香白芷各一兩 皂角一錢去黑皮炒

右為末煉蜜丸如梧子大服七十丸空心米飲姜湯任下

檳榔丸齊生方 治大腸濕熱怫鬱不通心腹脹滿大便秘結

黃芩一兩 大黃蒸 檳榔 白芷 枳殼麩炒

羌活去芦 牽牛炒各一兩 人參五兩 麻仁炒去殼另研

杏仁去皮炒各一兩

右為末煉蜜丸如梧子大每服四十丸空心熱水下

木香二稜散瑞竹堂方 治腹中有虫面色痿黃一切積滯

黑牽牛半生半炒多用 大腹子多用 檳榔 木香

雷丸 錫灰醋炒 三稜煨 莪木煨 大黃已上各二兩

右為細末每服三錢空心蜜水調下或砂糖水亦可須先將
燒肉一片口中嚼之吐出口中肉汁後服藥

牛黃丸拔毒方治上焦熱臟腑秘結

大黃一兩

白牽牛頭末半兩

右為細末有厥冷用酒調下三錢无厥冷而手足寒者蜜調下
皂角丸濟生方治大腸有風失便秘結年高人宜服

皂角灸去子

枳殼去穰麩炒各等分

右為細末蜜丸梧子大每服七十丸空心米飲下

南木香丸至惠方治大便秘結

南木香不見火

檳榔

麻仁

枳殼

右等分先將枳殼去穰每箇切作四片用不蛀皂角三三三

姜五片巴豆三粒畧搥碎不去殼用水一盞將枳殼同煮滾濾去生姜巴豆皂角不用只將枳殼剉細焙乾為末入前木香檳榔麻仁同為末煉蜜丸如梧子大蜜湯下不拘時搜風潤腸丸聖惠方治三焦不和胸中痞悶氣不升降飲食遲

化腸胃煩澁大便秘結

沉香

檳榔

木香

青皮

蘿蔔子炒

槐角炒

陳皮去穢

枳殼去穢

三棱煨

枳實去穢

木通各五錢

郁李仁去皮一兩

右為末煉蜜丸如梧子大每服五十九丸木瓜湯下常服溫潤腸胃導化風氣一方有大黃無木通米飲下

消痔麻仁丸和劑方

九澤心法附錄
杏仁

二兩去皮

大黃

生五兩

山梔子

十兩

右爲末蜜丸梧子大每服五十丸食前白湯送下

○已上諸方治濕熱怫鬱燥結之劑

治大便不通

用皂角燒烟馬桶內坐薰卽通

治大小便不通秘方

用火燒鹽於劑內切蒜一片蓋鹽上艾炙二三炷卽通

治大小便不通

用明礬末一匙安臍守冷水滴之冷透腹內自然通如是曾灸無臍孔卽於灸盤上用紙撚作圈子籠灸盤着礬末任仍作前法用水滴之

治大小便不通

直指方

用連根葱一二莖帶土生姜一塊淡豆豉二十一粒鹽二匙同研爛捏作餅子烘熱掩臍中以帛札定良久氣透自通不然再換一餅

提盆散

拔碎方

卽霹靂箭

用草烏一味爲末用葱頭帶涎醃烏頭末納肛門中

蜜導法

凡諸秘結不通或蒸他證又或老弱虛極不可用藥者用蜜熬入皂角末少許乘熱撚作兌候冷以導之冷秘生姜兌佳

猪膽汁導法

用大猪膽一枚瀉汁和醋少許灌穀道中一飯頃當大便

○已上諸方外導之法

○廣按燥結之症有虛實二者之分何則或因風寒邪從外入或因七氣火自內起此是濕熱怫鬱燥結有時乃爲實也實則宜蕩滌腸胃閉結軟堅如大黃芒硝枳實厚朴承氣湯之類是也或因病久飲食少進或因年高將息失宜此是血液枯涸燥結無時乃爲虛也虛則宜滋養陰血潤燥散熱如當歸地黃桃仁條芩潤燥湯之類是也凡燥結之症苟不審虛實而輕用藥死生如反掌之易也邪

丹溪心法附餘卷十四

已集

鬱門

六鬱七十

丹溪心法

○氣血冲和萬病不生一有怫鬱諸病生焉故人身諸病多生於鬱蒼木撫芎解諸鬱隨証加入諸藥凡鬱皆在中焦以蒼木撫芎開提其氣以升之假如食在氣上提其氣則食自降矣餘皆倣此

戴云鬱者結聚而不得發越也當升者不得升當降者不得降當變化者不得變化也此為傳化失常六鬱之病是矣氣鬱者胸脇痛脉沉澁濕鬱者周身走痛或關節痛遇陰寒則

發脉沉細痰鬱者動則喘寸口脉沉滑熱鬱者脅悶小便赤
脉沉數血鬱四肢無力能食便紅脈沉食鬱者噯酸腹飽不
能食人迎脉平和氣口脉緊盛者是也

入方

氣鬱

香附童便浸蒼术木并浸撫芎

濕鬱

白芷

蒼术

川芎

茯苓

痰鬱

海石

香附

南星

姜製

瓜蒌

一本無南星瓜蒌有蒼术川芎梔子

熱鬱

山梔炒

青黛

香附

蒼术

撫芎

血鬱

桃仁去皮

紅脈

青黛

川芎

香附

食鬱

蒼朮

香附

山查

神麴

針砂醋炒七次研極細

春加芎

夏加苦參

秋冬加羌活黃

越鞠丸

解諸鬱

又名芎朮丸

蒼朮

香附

撫芎

神麴

梔子

各等分

右為末水丸如棗豆大

附論

王節齋曰丹溪先生治病不出乎氣血痰三者故用藥之要有三氣用四君子湯血用四物湯痰用二陳湯又云久病屬鬱立治鬱之方曰越鞠丸蓋氣血痰三病多有兼鬱者或鬱

久而生病或病久而生鬱或悞藥雜亂而成鬱故予每用此三方治病時以鬱法參之氣病兼鬱則用四君子加開鬱藥血痰病皆然故四法者治病用藥之大要也

氣滯七十

附氣刺痛 諸氣

已集

丹溪心法

○破滯氣須用枳殼高者用之夫枳殼者損胸中至高之氣二三服而已又云滯氣用青皮勿多用多用則瀉真氣如實熱在內相火上衝者如氣滯宜知母黃柏黃連黃芩如陰虛氣滯者宜四物加玄參黃柏以補血

○氣刺痛用枳殼者何部分以引經藥導使之行則愈若果受素壯而氣刺痛宜枳殼為藥若肥白氣虛之人氣

宜參朮加木香

若因事氣鬱不舒暢而氣刺痛當用木香

○諸氣新増

附諸賢論

張子和云夫天地之氣常則安爰則病而况人稟天地之氣五運迭侵於外七情交戰於中是以聖人嚮氣如持至寶庸人投物而反傷太和此軒岐所以論諸痛皆因於氣諸病皆生於氣遂有九氣不同之說氣本一也因所觸而為九怒喜悲恐寒暑驚思勞也其言曰怒則氣逆甚則嘔血及飧泄故氣逆上矣王太僕曰怒則陽氣逆上而肝木乘脾故甚則嘔血及飧泄也喜則氣和志達榮衛通利故氣緩矣悲則心系急肺布葉舉而上焦不通榮衛不散熱氣在中故氣消矣恐則

精却々則上焦閉々則氣還々則下焦脹故氣不行矣太僕云恐則傷精却上而不下流下焦亦迴還而不散故聚而脹也然上焦固禁下焦氣還故氣不行也寒則腠理閉氣不行故氣收矣太僕云身涼則衛氣沉故皮膚文理及滲泄之處皆閉密而氣不流行衛氣收斂于中而不散也吳則腠理開榮衛通汗大出故氣泄矣太僕云人在陽則舒在陰則慘故熱則膚腠開發榮衛太通津液而汗大出也驚則心無所依神無所歸慮所无定故氣亂矣勞則喘息汗出内外皆越故氣耗矣太僕云疲勞役則氣奔速故喘息氣奔速則陽外發故汗出内外皆踰越於常紀故氣耗損也思則心有所存神有所歸正氣流而不行故氣結矣太僕云繫心不散故氣亦

傳留而結也此素問之論九氣其變甚詳其理甚明矣
病式曰氣為陽而主輕微諸所動亂勞傷乃為陽火之化神
狂氣亂而為病熱者多矣子和云河間治五志獨得言外之
意凡見喜怒哀思恐之證皆以平心火為主至於勞者傷於
動上便屬陽驚者駭於心上便屬火二者亦以平心火為主
今之醫者不達此旨遂有寒涼之謗

劉宗厚曰捍謂冲和不息之謂氣擾亂妄動變常之謂火當其
和平之時外護其表復行於裏周流一身循環無端出入升
降繼而有常源出中焦總統於肺氣曷嘗病於人也及其七
情之交攻五志之間發乖戾失常清者行者却遏而反止表
失衛護而不和裏失健悍而少降營運漸遠肺失主持妄動

不已五志厥陽之火起焉上燭於肺氣乃病為何者氣本屬陽反勝則為火矣河間有曰五志過極皆為火也何後世不本此議而一槩類聚香辛燥熱之劑氣作寒治所據何理且言指迷七氣湯製作者其皆用青皮陳皮三稜蓬朮益智官桂甘草遂為平和可以常用通治七情所傷混同一意未喻其藥以治某氣已下諸方尤有甚焉者茲不復叙况所起之情各不同且夫經言九氣之變未嘗略而不詳如怒則氣上等證其言治法高者抑之下者舉之寒者熱之熱者寒之驚者平之勞者溫之結者散之喜者以恐勝之悲者以喜勝之九氣之治各有分別何嘗混作寒論而類以香熱之藥通言而治諸氣豈理之謂歟若香辛燥熱之劑但可切滯氣衝

快於一時以其氣久抑鬱借此暫行開發之意藥中不佐制
伏所起之氣服甚則增熾鬱火蒸熏氣液而自成積積滋長
而成痰痰飲下膈氣乃氤氲清虛之象若霧露之著物雖滯
易散內挾痰積開而復結服之日久安有氣實而不動氣動
而不散者乎此皆人所受悞之由習俗已久相沿而化卒莫
能救升發太過香辛散氣燥熱傷氣直氣耗散濁氣上騰猶
由腎虛不能攝氣歸原遂與蘓子降氣湯四磨湯下黑錫丹
養氣丹鎖鑰上升之氣且硫黃黑錫佐以香熟又無補養之
性藉此果能生氣而補腎乎請熟詳之夫濕痰甚者亦或當
之初服未顯增變由喜降而愈進形質弱者何以收救不悟
肺受火邪子氣亦弱降令不行火無以制相扇而動本勢空

虛命絕如縷積而至深丹毒濟火一旦火氣狂散喘息奔急而死吁以有形丹石丸藥重墜無形之氣其氣將何抵受隨而降之乎譬以石投水水故未嘗沉也豈不死歟丹溪有曰上升之氣自肝而出中挾相火其熱爲甚自覺其冷非真冷也火極似水積熱之甚陽元陰微故有此證認假作真似是之禍可勝言哉內經雖云百病皆生於氣以正氣受邪之一也今七情傷氣鬱結不舒痞悶壅塞發爲諸病當詳所起之因滯於何經上下部分臟氣之不同隨經用藥有寒熱溫涼之同異若枳殼利肺氣多服損胃中至高之氣青皮瀉肝氣多服損真氣與夫木香之行中下焦氣香附之快滯氣陳皮之世逆氣紫蘇之散表氣厚朴之瀉衛氣檳榔之瀉至高

之氣霍香之馨香上行胃氣沉香之升降真氣腦麝之散直
氣若此之顛氣實所宜其中有行散者有損泄者其過劑乎
用之能却氣之標而不能制氣之本豈可又佐以燥熱之藥
以火濟火混同謂治諸氣使之常服多服可乎氣之與火一
理而已動靜之變反化爲二氣作火論治與病情相得丹溪
發揮論之冷生氣者出於高陽生之謬言也自非身受寒氣
口食寒物而遽論寒者吾恐十之無一二也

附脈理

脈訣舉要曰下手脈沉便知是氣沉極則伏清弱難治其或沉
滑氣兼痰飲

又曰沉弦細動皆氣痛證心痛在寸腹痛在關下部在尺脈

象顯然

附諸方

蘇合香丸

和劑方

專能順氣化痰并治傳尸骨蒸諸項勞瘵卒

暴心痛鬼魅瘴症赤白下痢小兒驚搐等證

沉香

麝香

研

訶子

煨用皮

丁香

青木香

安息香

別為末用無灰酒一升熬膏

香附

炒去毛

革撥

白木

白檀香

各二錢

蘇合香油

入安息香膏內

薰陸香

別研龍腦

研各一錢

硃砂

研飛

烏犀角

各二錢

右為末入研藥極勻用安息膏并煉蜜和劑丸如櫻桃大空

心用溫水化下四丸酒服亦可

三和散

和劑方

治五臟不調風氣壅滯面目虛浮腸胃燥渴

導結類

流氣飲子

治男子婦人五臟不和三焦氣壅心胸悶痞咽塞

不通腹脇膨脹嘔吐不食及上氣喘急咳嗽痰盛面目浮四

肢腫大便秘澁小便不通及治憂思太過陰陽之氣鬱結不

散壅滯成痰又治脚氣腫痛喘急腹脹大便不通及氣攻肩

背脇肋走注疼痛

紫蘇葉

青皮去白當歸洗焙芍藥

烏藥

茯苓

去皮桔梗

半夏湯洗川芎

黃芪

枳實

炙炒防風

各五錢杜草炙

陳皮去白各七錢半

木香

二錢半

連皮大腹子

一兩姜制一宿焙

右咬咀每服半兩水二盞薑三片棗一枚煎至一盞去滓不

拘時溫服 後粹方有枳殼枳榔各半兩

分氣素飲 治男子婦人脾胃不和胸膈噎塞腹脇疼痛氣

促喘急心下脹悶飲食不思嘔逆不止 見喘類

蘇子降氣湯 治虛陽上攻氣不升降上盛下虛痰涎壅盛方

見痰類

祕傳降氣湯和劑方治上盛下虛氣不升降上盛則頭目昏眩

痰實嘔逆胸膈不快咽乾喉燥下虛則腰脚無力小便頻數

或大便秘結

骨碎補 去毛炒 訶子 去核 草果仁 去皮膜

半夏 麩 桔梗 魚兩 桑白皮 炒二兩 地骨皮 炒黃

枳殼 去穰炒 五加皮 酒浸半日 黃陳皮 去白 柴胡 去蘆

甘草各一兩

右為分釐散和勻再就蒸一伏許晒乾每服二錢紫蘇三葉
三片水一盞同煎六分食後溫服又能調順榮衛通利三焦
如痰嗽加半夏麩心脾虛瀉加人參茯苓上膈熱加黃芩下
虛加熟附子婦人氣血虛加當歸

沉香降氣湯和劑方治陰陽雍滯氣不升降胸膈痞塞喘促短
氣又治脾胃弱飲噫醋吐酸脇下支結常務效

砂仁四錢 甘草炙十二兩 香附去毛四十兩 沉香一兩八錢半

右為末每服二錢入鹽少許沸湯點服

沉香升氣湯御藥院方治一切氣不升降脇肋刺痛胸膈痞塞

見諸痛

紫沉通氣湯 御藥院方治三焦氣滯不能宣通腹脇脹大便秘

紫蘇葉

枳殼 麥炒 陳皮 去白 赤茯苓 去皮 甘草 炙

檳榔 各二兩 沉香

木香

麥門冬 去心 五味子

桑白皮

黃芪

乾生薑

薄荷葉

荊芥穗

枳實

各五錢

右吹咀每服半兩水一盞半煎八分空心溫服

香橘湯 聖惠方治一切氣不快久病服藥不下者

香附子

大者去脂

陳皮

去白

枳實 生

白木

甘草

炙 各三兩

右為末每服二錢鹽湯調或姜棗煎尤妙如傷風用葱白

東坡煎

分心氣飲和劑方治男子婦人一切氣不和多因憂愁思慮
怒傷神或臨食憂感或事不隨意使抑鬱之氣留滯不散停
於胸膈之間不能流暢致心胸痞悶脇肋虛脹噎塞不進噎
氣吐酸嘔噦惡心頭目昏眩四肢倦怠面色痿黃口苦舌乾
飲食減少日漸羸瘦或大腸虛秘或因病之後胸中虛痞不
思飲食皆可服之

木通去節赤芍藥

赤茯苓

官桂

半夏湯洗七次

桑白皮

大腹皮

陳皮去白青皮去穢甘草

羌活各二兩紫蘇四兩

右咬咀每服一兩至姜三片棗二枚灯心十五莖水二盞煎
至一盞去渣通口服之

分心氣飲秘方治症同前

木香半錢 丁香皮一錢 人參半錢 香附子錢半 白朮半錢

大腹子半錢 藿香二錢半 大腹皮半錢 桑白皮半錢 草果半錢

桔梗半錢 麥門冬半錢 厚朴半錢 陳皮一錢 紫蘇一錢半

甘草一錢 加枳實一錢半 半夏一錢

右用水二盞 生姜三葉 棗子一箇 灯心十莖 煎至一盞 溫服

不拘時

大藿香散 濟生方治七情傷氣 鬱于中 變成嘔吐 或作痰

眩暈 嘔滿 不進飲食

木香一兩 不見火 藿香葉 半夏麩炒 白朮各二兩

白茯苓 姜皮 桔梗 去方 炒人參 批杷葉 上

官桂不見火甘草炙各五錢

右咬咀每服三錢水二盞生薑五片棗一枚煎至一盞溫服

紫蘇子湯濟生方治憂思過度邪傷脾肺心腹膨脹喘促胸滿
腸鳴氣走漉漉有聲大小便不利脉虛緊而滿

紫蘇子兩大腹皮 葶果仁 半夏湯泡七次

厚朴去皮姜炒 木杏不見火橘紅 木通

白朮 枳實炒 人參 甘草炙各半兩

右咬咀每服四錢水二盞生薑五片棗二枚煎至一盞溫服

橘皮一物湯直指方治諸氣攻刺及感風寒暑濕初証通用丸

酒食所傷中脘痞塞妨悶嘔吐吞酸

橘皮洗淨用新汲水煎服

木香流氣散和劑方 調順榮衛流通血脉快利三焦安和五臟

治諸氣痞滯不通胸膈膨脹口苦咽乾嘔吐少食肩背腹脇

走注刺痛及喘急痰嗽回身羸瘦四肢腫滿大便秘結水道赤

澀又治夢思太過怔忡鬱積脚氣風濕聚結腫痛喘滿脹急

半夏一分半厚朴一錢二分 陳皮二錢四分

青皮 甘草 香附子 紫蘇各一錢二分

人參 赤茯苓 木瓜 白朮 麥門冬

大黃各一錢半 白芷 枳殼各三分 草果

官桂 蓬朮 大腹皮 丁皮 檳榔

木香 沉香各四分半 木通六分

右用水二盞生姜三片棗子二箇煎至一盞熱服不拘時

蟠蛇散和劑方治男子婦人脾胃虛冷氣滯不行攻刺心腹
連胸脇膀胱小腸疝氣及婦人血氣刺痛

延胡索

肉桂

乾姜各二兩甘草炙

縮砂去皮

蒼朮米泔水浸一宿切焙各半兩丁皮

檳榔各四兩

蓬朮

三稜煨

茯苓

青皮去白各六兩

右為末每服二錢水一盞葱白一莖煎七分空心熱服

撞氣阿魏丸和劑方治五種噎疾九種心痛痞癖氣塊冷氣攻
刺腹痛腸鳴嘔吐酸水丈夫疝氣婦人血氣

茴香炒

青皮去白甘草炒

陳皮去白蓬朮

川芎各二兩生薑四兩切片鹽半兩淹一宿胡椒

白芷

肉桂去皮縮砂

小茴香炒各半兩

阿魏酒浸一宿同麩為糊各一錢半

右為末阿魏和麩糊丸如雞頭大每藥一斤用朱砂七錢為衣每服三五粒丈夫氣痛炒姜鹽湯下婦人血氣痛醋湯下神保丸和劑方治諸積氣為痛宣通臟腑

乾蝎十箇全者

木香

胡椒各二錢半

巴豆十箇去皮心膜別研取霜用

右為末入巴豆霜令勻湯化蒸餅丸如麻子大朱砂為丸每服五七丸心膈痛柿蒂灯心湯下腸痛柿蒂煨姜湯下

血痛炒姜醋湯下

肺氣甚者以白礬蛤粉各二錢黃丹

二錢同研煎桑白皮糯米飲下氣小喘只用桑白皮糯米

飲下

脇下痛炒茴香酒下

大便不通蜜湯調槐柳末三

錢下 氣噎木香湯下 宿食不消茶酒漿任下

○廣按已上三方消積之藥也蓋五志之火動素常無積則流注四體而病輕有積則阻滯一處而痛重故此三方乃消積之藥也前諸方乃調氣之藥李者須審輕重而用之可也

○已上諸方辛溫消散之劑

三因七氣湯 治喜怒悲憂恐驚之氣結成痰涎狀如破絮或如梅核在咽喉之間咯不出嚥不下此七情所為也或中脘痞滿氣不舒快或痰涎壅盛上氣喘急或因痰飲中節嘔逆惡心並宜服之

半夏五兩茯苓四兩厚朴三兩紫蘇二兩

右咬咀每服四錢水一盞半生姜七片棗子一枚煎至八分去粗熱服 若因思慮過度小便白濁此藥下青州白丸子最妙 婦人惡阻尤宜服之但半夏用姜汁製過 一方治七情所傷中脘不快氣不升降腹脇脹滿用香附子炒半斤橘紅六兩甘草一兩尤快或者謂其耗氣則不然有是病服是藥也

桔梗枳殼湯直指方治諸氣痞結滿悶

枳殼

桔梗各二兩甘草五錢

右咬咀每服四錢水二盞半薑五片煎至一盞溫服

烏附湯和劑方調中快氣治心腹刺痛

香附子一兩烏藥半兩甘草三錢

右爲細末每服三錢人鹽少許沸湯調服不拘時候

快氣湯

和劑方

治一切氣疾心腹脹滿胸膈噎塞噫氣吞酸胃

中痰逆嘔吐及宿酒不鮮不思飲食

砂仁

甘草

香附子

各三錢二分

加桔梗

一錢

陳皮

一錢

右用水二盞入生姜三葉煎至一盞去滓溫服不拘時候

木香枳朮丸

援粹方

破滯氣消飲食開胃進食

木香

一兩

枳實

炒一兩

白朮

二兩

右爲細末荷葉燒飯爲丸如梧桐子大每服五十丸溫水下

木香化滯湯

援粹方

治因憂氣食溫麪結於中脘腹皮底微痛

心下痞滿不思飲食食之不散常常痞氣

丹溪心法附錄 國朝醫家 卷之四

枳實 一錢 柴胡 四錢 木香 橘皮 各三錢 甘草 炙

紅花 各半錢 半夏 一兩 草豆蔻 半兩 當歸 一錢

右咬咀每服三錢水二盞生姜三片煎至一盞通口服

枳殼煮散 治悲哀傷肝氣痛引兩脇

防風 川芎 枳殼 細辛 桔梗

甘草 葛根

右用水煎服

木香檳榔丸 御藥 陳導三焦寬利胸膈破痰逐飲快氣消食

木香 枳殼 麩炒 青皮 去白 杏仁 去皮尖麩炒

檳榔 各一兩 郁李仁 去皮 皂角 去皮酥各 半夏 麩 各二兩

右為末別以皂角四兩用漿水一碗槎揉熬膏更人熟蜜少

許和九如梧桐子大每服五十丸食後溫生姜湯下

復元通氣散

聖惠方

治諸氣閉澁耳聾耳疼腹癰復癰瘡疽無

頭一切氣刺活血止痛內消瘡腫

甘草

半炒半生三刀半

川山甲

炮二刀

枯樓根

二刀

青皮

陳皮

各四刀

右為末每服一錢熟酒下瘡無頭者津液調塗

東垣木香順氣散

治濁氣在上則生膜脹

木香

三分

厚朴

四分

青皮

陳皮

益智

茯苓

澤瀉

生薑

半夏

吳茱萸

各五分

當歸

五分

升麻

柴胡

一分

草豆蔻

三分煨

蒼朮

三分

丹溪心法附錄 卷之四 氣血

右作一服水煎溫服

木香導氣丸 秘方 治愛思傷脾停積飲食常服消食化氣

神麴 麥蘖 各四兩 蘿蔔子 牽牛末 杏仁 麴炒各四兩

木香 陳皮 青皮 各二兩

右為末將蘿蔔子杏仁研泥同麴糊丸如梧桐子大每服三

五十丸鹽湯下

木香破氣散又名不老湯

木香 甘草 各半兩 香附子 四兩 烏藥 片姜黃 各二兩

右為末每服二錢鹽湯空心調下

木香順氣丸

木香 半兩 枳殼 麴炒 陳皮 補骨脂 香附子 各一兩

牽牛六兩炒

大腹皮

蘿蔔子各半兩

右為末水丸如梧子大每服五十丸溫水下不拘時服

青木香丸和劑方治胸膈噎塞氣滯不行腸中水聲嘔吐痰逆
不思飲食常服寬中利膈

黑牽牛二十四兩炒香取頭末十二兩 木香三兩 補骨脂

^炒華澄茄各四兩 檳榔 酸粟米飯裹濕布包火中煨令紙焦去飯四兩

右為末入牽牛末令勻以清水和為丸菜豆大每服三十丸
茶湯熟水任下

○廣按氣病用氣藥而不效者氣之所藏無以收也蓋肺主
氣腎藏氣已上二方用補骨脂所以使氣升降而歸于腎
臟也

東垣先生全集卷之十四

東垣升陽順氣湯 治忿怒傷肝思想傷脾悲哀傷肺以致各

經火動有傷元氣發熱不思飲食

升麻 柴胡 陳皮各一兩半夏 人參各三錢

黃芪四錢甘草 柏皮各半錢當歸一錢草豆蔻一錢

神麴炒一錢半

右咬咀每半兩入姜煎

○廣按此方補氣消氣之藥也

治氣六合湯 治亡血後七情所傷或婦人產後月信後着氣

當歸 川芎 芍藥 地黃 木香

枳榔

右以水煎服

廣按此方補血消氣之藥也

○已上諸方辛平消散之劑

是齋推氣丸百一選方治三焦痞塞氣不升降胸膈脹滿大便
秘澁小便赤少宜服

大黃

陳皮

枳櫛

枳實

牽牛各等分

右為末煉蜜丸如梧桐子大每服五十丸溫水下量虛實加減
木香順氣丸秘方

木香半兩 枳櫛

青皮去白各一兩

大黃三兩微泡

黑牽牛末生一兩熟一兩

右為末每藥末四兩麴一兩三錢蜜丸梧桐子大每服四十丸

溫水下

木香枳殼丸 寬胸膈進飲食消食快氣 見痢類

木香枳柳丸 瑞竹堂方治因氣胸膈痞塞腹脇脹滿

木香 枳柳 黃連去鬚當歸 枳殼去穰火煨

青皮去穰陳皮去白香附子 黃栢去粗皮蓬木各一兩

黃芩二兩牽牛頭末二兩 大黃酒浸四兩

右為末水丸如梧子大每服五七十丸姜湯下

○已上諸方辛寒消散之劑

○廣按張子和云諸痛皆因於氣諸病皆生於氣誠哉斯言
是氣也常則為氣導引血液升降三焦周流四體變則為
火有升無降燐灼中外以致血液稽留為痰為積充乎臟
腑溢乎經絡膠乎咽膈為嘔欬為痰塞為脹滿為疼痛之

所由也局方不分新久類用香辛燥熱之藥以治之宜乎
丹溪先生之所謂也今予所集不然分而為三曰辛溫曰
辛平曰辛寒使後之人凡運氣動痛作之時即以辛溫以
散之稍久即以辛平以和之辛寒以折之如此則邪易退
正易復而病安庶乎不為以火濟火病俄愈深真氣愈耗
而死期逼矣然於風動痛作之初非辛溫消散不可必須
詳其所起之因觸動何臟之今於辛溫藥中加以苦寒之
藥尤佳如喜動心火加黃連怒動肝火加柴胡悲動肺火
加黃芩恐動腎火加黃柏思動脾火加芍藥之類是也夫
病源屬火而辛溫之藥止能開鬱行氣豁痰消積而已加
以苦寒之藥方能降火而去其熱矣或曰諸痛皆因於

氣治例固宜如此而諸病皆主於氣治法當何如哉予曰
於上三類方中觀其所出之證審其所用之藥分火分痰
分積而施治之是其法也

丹溪心法附餘卷十五

已集

寒鬱門

心脾痛

七十二

丹溪心法

○心痛即胃脘痛雖日數多不喫食不死若痛方止便喫物還痛必須三五服藥後方喫物 痛甚者脉必伏用溫藥附子之類不可用參朮 諸痛不可補氣 大凡心膈之痛須分新久若明知身受寒氣口喫寒物而得病者於初得之時當與溫散或溫利之藥若白病得之稍久則成鬱久鬱則蒸熱熱久必生火原病式中備言之矣若欲行溫散溫利寧無助火添病耶古方中多以山梔子爲熱藥之向導則邪易伏病易退正易復而

丹溪心法附錄 卷之八 痢症 三十九
病安然病安之後若縱恣口味不改前非病復作時反咎醫之
失良可嘆哉

方用山梔子炒去皮每服十五枚濃煎湯一呷入生姜汁令辣
再煎小沸又入川芎一錢尤妙山梔子大者或七枚或九枚須
炒用 大槩胃中有熱而作痛者非山梔子不可須佐以姜汁
多用白芍開之 痛發者或用二陳湯加川芎蒼朮倍加炒梔
痛甚者加炒乾姜從之反治之法也 輕者川芎一兩蒼朮一
兩山梔炒去皮二兩姜汁蒸餅糊丸如梧子大服七八十丸熱
辣姜湯下 重者桂枝麻黃石臘各等分姜汁和蒸餅丸梧子
大服五十丸熱辣姜湯下 一本輕者散之麻黃桂枝之類重
者加石臘川芎蒼朮炒山梔子去皮作丸服 凡治此證必

先問平日起居何如假如心痛有因平日喜食熱物以致死血
留於胃口作痛用桃仁承氣湯下之切記輕者用韭汁桔梗能
開提其氣血藥中兼用之以物柱按痛處則止者挾虛以二陳
湯加炒乾姜和之 有虫痛者面上白班唇紅能食属虫治以
苦練根錫灰之類 痛定便能食時作時止者是虫上半月虫
頭向上易治下半月虫頭向下難治先以肉汁及糖蜜食下則
引虫頭向上然後用藥打出練樹根皮檳榔鶴虱夏取汁飲冬
濃煎湯下萬應尤最好 脉堅實不大便者下之 心痛用山
梔子并劫藥止之若又復發前藥必不効可用玄明粉一服立
止 左手脉數熱多脉濇者有死血 右手脉緊實痰積弦大
必是久病 胃脘有濕而痛者宜小胃丹下之

又方

黃連炒

山梔炒

吳茱萸

湯洗各五錢

荔枝核

燒存性三錢

滑石

五錢

右為末姜汁糊丸服

又方

山梔子仁

炒黃色

右為末姜汁調粥丸亦得冷痛者加草豆蔻仁炒末姜汁炊

餅丸服

又方

白朮

五錢

白芍藥

砂仁

半夏

當歸

各三錢

桃仁

黃連

神麴

炒

陳皮 各二錢

吳茱萸 一錢半

人參

甘草 各一錢

右爲末蒸餅丸服

又方

白朮 三錢半

白芍 炒

陳皮

歸尾 各二錢半

人參

黃連 炒一錢半

吳茱萸 五分

右爲末蒸餅丸

又方 治氣實心痛者

山梔子 炒焦六錢

香附 錢

吳茱萸 一錢

右爲末蒸餅丸如花椒大以生地黄酒洗同生薑湯煎送下

二十丸

又方

丹溪心法附余 婦科經水不調

胡椒 葶藶 各五錢

右爲末以醋調捏作團子吞之

又方 治心疼亦治哮喘又治痰涎

半夏 細切香油炒

右爲末薑汁炊餅丸薑湯下二三十丸

又方

黃荊子 炒焦 爲末米湯調下亦治白帶

一治脉澁心脾常痛

白朮 半夏 各一兩 蒼朮 枳實 神麴 香附

茯苓 白芍 各五錢

右爲末神麴爲丸

治死血留胃脘作痛者

玄胡半一兩

桂 滑石

紅花

紅麴各五錢

桃仁三十個

右爲末湯浸蒸餅爲丸

治痰飲積胃脘痛

螺螄殼墻上年久者燒

滑石炒

蒼朮

山梔

香附

南星各二兩

枳殼

青皮

木香

半夏

砂仁各五錢

右爲末生薑汁浸餅爲丸棗豆大每服三十四丸薑湯下

春加芎夏加黃連冬加吳茱萸各半兩 有痰用明礬溶開

就丸如雞頭大熱薑湯吞下一丸 青黛亦治心痛 藍葉

槌碎取汁薑汁和服亦可如無葉處用水一小瓶用藍安在
刀頭火中燒紅淬水服

○治脾痛用海粉佐以香附末用川芎山梔生薑汁煎辣湯調
服爲佳又方治脾痛氣實者可用牡蠣煨爲粉用酒調一二
錢服 有脾痛大小便不通者此是痰中焦氣聚下焦

附諸賢論

王節齋曰凡治心腹疼痛但是心病須問曾服何飲食因何傷
感有無積滯便與和中消導之藥若日數已多曾多服過辛
溫燥熱之藥嘔吐不納胸膈飽悶口舌乾燥大小便艱難則
內有鬱熱矣或原有舊痛因感而發綿延日久見証如前者
俱用開鬱行氣降火潤燥之藥如川芎香附炒山梔黃連

汁之類甚者再加芒硝但治心腹久痛須於溫散藥內加苦
寒藥與之藥溫治其標寒治其本也

附脈理

脉訣舉要曰沉弦細動皆是痛証心痛在寸腹痛在關下部在
尺脉象顯然

附諸方

落盡湯 治急心痛

陳皮

香附子

良姜

吳茱萸

石菖蒲 各等分

右水煎先用碗一箇用香油三五點在內小盞蓋之將藥淋
下熱服

丁香止痛散 治心氣痛不可忍

良姜五兩 茴香炒 甘草各二兩半 丁香半兩

右為末每服二錢沸湯點服

一方 治卒心痛

用乾姜為末每服一錢上米飲調服

二姜丸 和劑方 治心脾冷痛溫胃消痰

乾姜炮 良姜去皮各等分

右為末麪糊丸如梧子大每服三十丸食後橘皮湯下

桂靈散 治心腹大痛危急者

良姜炒 厚朴 五靈脂明淨者各等分

右為細末熱醋湯調一錢立止世不可闕此

安痛散 治心胃痛

五靈脂 去砂石

玄胡索 炒去皮及蒼朮 煨

良姜 炒

當歸 去芦洗各等分

右為末每服二錢不拘時執酒醋湯調下

順氣木香散 和劑方治氣不升降胸膈痞悶時或引痛及酒食

過傷噫氣吞酸心脾刺痛女人一切血氣刺痛

蒼朮 米泔浸 桔梗 去节

茴香 炒各三兩 乾姜 炮

陳皮 去芦

厚朴 去皮姜製 砂仁

丁皮 不見火

良姜

肉桂 去皮

甘草 炙各三兩

右為末每服三錢水一盞姜三片棗二枚煎七分熱服或鹽

少許點沸湯下亦可

燒脾散 濟生方 治飲啖生冷果菜停留中焦心脾冷痛

乾姜炮

厚朴姜炒

草果仁

宿砂仁

甘草炙

神麴炒

麥蘖炒

陳皮

高良姜炙各等分

右為末每服三錢熱鹽湯點服不拘時

溫胃湯 按粹方 治服寒藥多致脾胃虛弱胃脘痛

益智五錢

砂仁

甘草各二分 姜黃三分

白豆蔻三分 陳皮一分

澤瀉三分

乾生薑三分

黃芪七分

厚朴二分

人參二分

右咬咀每服八錢用水二盞煎去八分食前服之

二方

用延胡索胡椒等分為末每服二錢酒調下

抽刀散 治急心疼

用斑猫七箇胡椒四十九粒同炒令斑猫焦碎去斑猫不用取淨胡椒為末作一服熱酒調下不拘時

一方

用胡椒四十九粒乳香一錢為末男用姜湯下女用當歸湯下扶陽助胃湯 治寒氣安於腸胃胃脘當心而痛得熱則已

乾姜炮二錢半 揀參

草豆蔻

甘草炙

官桂

白芍各一錢

陳皮

白朮

吳茱萸各五分

附子炮三錢 益智五分

右剉作一服水二盞生姜三片棗二箇煎至一盞溫服不拘

時有積聚備急丹良 見傷食類

神保丸

治心膈痛腹脇痛腎氣痛血積痛 方見諸氣

○已上數方治寒痛之劑 初則為寒

草豆蔻丸 按粹方治客寒犯胃痛者宜此丸熱痛亦可服只可

一二服

草豆蔻 錢四分 麝香 炮去皮 吳茱萸 湯泡去苦

益智 橘皮 僵蚕 人參 黃芪 各八分

生甘草 三分 炙甘草 三分 歸身 青皮 各分 神麴 炒

姜黃 各四分 半夏 湯洗一錢 澤瀉 一錢半 小便數者減

桃仁 七箇 去皮尖另研 麥芽 一錢五分 炒 柴胡 四分 詳臍

下加減用

右除桃仁另研餘為末和勻湯浸蒸餅丸如梧子大服三十
丸白湯下食遠旋斟酌多少用之

應痛丸瑞竹堂方治心氣痛不可忍
好茶末四兩陳乳香二兩

右為細末用臘月兔血和丸如雞頭大每服一丸溫醋下不拘時
金鈴子散聖惠方治熱心氣痛或發或止久不愈

金鈴子

玄胡索各一兩

右為末每服二三錢酒調下溫湯亦可

治心氣疼不可忍

用真蛤粉炒轉色白湯洋隨意服

一方治熱心氣疼

生蛤粉多用百草霜少許

右為細末冷水茶清皆可調下

一方

取鍋底墨以童子熱小便調服三錢即愈

一方

用枯礬為末煉蜜丸如芡實大每服一丸空心細嚼淡姜湯下如食後白湯下有虫苦參煎湯下又方用醋半酒盞白礬三分鉄杓內化開溫服痛即止蓋白礬有去熱涎之功
浸藥散宣明方治一切心肚疼痛不可忍者

沒藥

乳香各三錢川山甲五錢炙水鱉子四錢

右為細末每服半錢至一錢酒大半盞同煎溫服

○已上數方治熱痛之劑 久則為熱

失笑散 治心氣痛不可忍及小腸氣痛

蒲黃 五靈脂酒研淘去砂土各等分

右先以醋調二錢煎成膏入水一盞煎食前熱服

手拈散 治心脾氣痛

草果 玄胡索 五靈脂 沒藥

乳香 各等分

右為細末每服三錢空心溫酒調服

愈痛散 治急心疼胃疼

五靈脂 去沙石 玄胡索 外去皮 蓬莪朮 煨

良姜炒 各等分

當歸 去芦洗

右為末每服二錢熱醋湯調服不拘時

一方 治九種心痛惡心吐水腹脇積聚滯氣

用乾漆二兩炒烟出為末醋糊丸如梧桐子大每服五七丸
熱酒或醋湯下

○已上數方治血痛之劑 婦人宜此

萬應丸 治虫齒心痛

八仙丹 治虫咬心痛 俱見積聚

烏梅丸 治胃冷蚘虫攻心痛嘔吐四肢冷

烏梅三百个黃柏炙 細辛 肉桂

附子炮各六兩 黃連十六兩人參六兩

蜀椒炒去閉口者及目 當歸各四兩乾姜炮十兩

右為末取烏梅肉和蜜丸梧子大每服五十丸空心鹽湯下
一方

不拘新久用生地黄搗汁隨人所食多少溲麵作飢飢或冷
淘食良久下虫長一尺頭似守宮不復患矣

楨柳散

秘方治男婦心脾痛

五靈脂

楨柳

右為末煎菖蒲湯調三錢服隔夜先將猪肉鹽醬煮熟令患
人細嚼休吞了吐出却服前藥空心食前服

○廣按用肉味所以引虫頭向上用藥所以殺虫也

○已上數方治虫痛之劑

桃仁承氣湯

見吐血

小胃丹

見痰類

○廣按痛則不通通則不痛夫胃脘痛者或因身受寒氣口得冷物鬱遏陽氣而不得上升也或因胃脘素有頑痰死血阻滯怒氣而不得條達也然寒冷自外而入初則是寒鬱久變熱怒氣自內而起始終俱是熱也遇此証者若不分寒熱而治之若之何而能愈乎今予將古方分作寒熱血虫四條是寒則溫之是熱則清之是血則散之是虫則殺之庶乎臨証而不眩惑也矣

腹痛七十三

已集

丹溪心法

○腹痛有寒

積熱

死血

食積

濕痰

脉弦食脉滑

作瀉

清痰多作腹痛台芎蒼木香附白芷爲末以生姜汁入

棗子服大法之方若此 腹痛者氣用氣藥如木香煖榔香附

服沒之類 血用血藥如當歸川芎桃仁紅花之類 初得時

元氣未虛必推蕩之此通因通用之法久必難壯實與初病宜

下虛弱衰與久病宜升之消之 腹中水鳴石火擊動其水也

用二陳湯加黃芩黃連梔子亦有臟寒而鳴者 凡心腹痛者

必用溫散此是結鬱不行阻氣不運故痛 在上者多屬食匕

能作痛宜溫散之如乾姜炒蒼木川芎白芷香附姜汁之類不

可用峻利藥攻下之蓋食得寒則凝熱則化更兼行氣快氣藥

助之無不可者 一老人腹痛年高不禁下者用川芎蒼木香

附白芷乾姜茯苓瀉石之類

戴云寒痛者綿七痛而無增減者是時痛時止者是熱也死
血痛者每痛有處不行移者是也食積者其欲大便利後痛
減者是濕痰凡痛必小便不利

入方

檳榔

三稜

莪朮

香附

官桂

蒼朮

厚朴

陳皮

甘草

茯苓

木香

右爲末神麴糊丸每服五十丸白湯下

腹痛治例

心法附錄曰凡腹痛以手不可按者屬實宜大黃芒硝下之實
痛不可用參芪白朮蓋補其氣七旺不通而痛愈甚也

凡腹痛以手重按者屬虛宜參朮姜桂之類

東垣云腹痛須用芍藥惡寒而痛加桂惡熱而痛加黃柏或云白芍藥只治血虛腹痛諸腹痛不可用蓋諸痛宜辛散芍藥酸收故也

如感寒而腹痛宜姜桂嘔者加丁香

如傷暑而腹痛宜玉龍丸

如癰撲損傷而腹痛者乃是瘀血宜桃仁承氣湯加當歸蘇木紅花入童子小便并酒煎服下之

凡肥人腹痛者屬氣虛濕痰宜人參蒼朮白朮半夏或曰痰豈能作痛殊不知氣鬱則痰聚痰聚則碍氣道不得運故作痛也

如飲食過傷而痛者氣實宜木香檳榔丸下之

如稟受素弱飲食過傷而腹痛者當補脾胃以消導宜參朮

山查麥蘖枳實木香

有全不思食其人體素弱而腹冷痛者以養胃湯仍加桂朮
黃各半錢木香三分又或理中湯建中湯皆可用內加吳
茱萸良

絞腸沙作痛以樟木煎湯大吐或白礬調湯吐之鹽湯亦可
探吐宜刺委中出血

臍下忽大痛人中黑色者多死

附諸方

玉龍丸

又名黃龍丸

見中暑

養血湯

見癰疽

理中湯

見中寒

小建中湯

芍藥三兩

甘草一兩

生薑一兩半 大棗六箇

桂枝去皮一兩半

膠飴半斤 舊有微漚或嘔者不用

右剉每服三錢水盪半姜二片大棗一箇煎八分去滓下飴

膠兩匙許再煎化溫服

七氣湯和劑方治七情之氣鬱結于中心腹絞痛不可忍

人參去芦二兩甘草炙一兩半夏湯泡七次焙乾五兩

肉桂一兩去皮

石炭咀每服三錢水盪薑三片煎七分空心熱服

五般噎疾九種心痛痞滿氣塊冷氣攻刺

痛 見諸氣

具香散和劑方治心腎不和腹脇膨脹飲食難化噎氣吞酸一切冷氣結聚腹中刺痛此藥最能治之

石蓮肉去皮一兩 甘草炙 蓬莪朮

益智仁炒去殼三稜炮各二錢青皮去白 陳皮去白各三兩

厚朴 姜製二兩

右為末每服三錢水一盞薑三片茶一椀鹽一匙同煎七分

熱服

噎散 治脾胃虛冷氣滯不行攻刺心痛連脇脇肋痛

氣及婦人血氣刺痛 見諸氣

沉香降氣湯御藥院方治三焦痞滯氣不宜暢心腹痞滿嘔吐痰沫五噎五隔並皆治之

沉香

木香

丁香

藿香

人參去芦

甘草炙

白朮各一兩肉豆蔻

桂花

檳榔

陳皮去白

砂仁

川姜炮

枳實炒

白檀各一兩白茯苓去皮

青皮去白

白豆蔻各半兩

有吹咀每服三錢水一盞入鹽少許同煎七分溫服不拘時

桂靈散

治心腹大痛甚危急者

手拈散

治腹痛心痛不止

俱見心脾痛

木香調氣散

和劑方治氣滯胸膈虛痞惡心宿冷不消心腹刺

痛者

白豆蔻仁

丁香

檀香

木香各二兩

藿香葉

甘草炙各八兩

砂仁四兩

右為末每服二錢入塩少許沸湯點服

又名均氣散

燒脾散

治飲啖生冷果食停留中脘心腹冷痛

方見心脾痛

丁香脾積丸

和劑方治諸般食積氣滯胃膈脹滿心腹刺痛

丁香

木香不見火巴豆去皮心腹高良姜米醋煮各半兩

蓬朮二兩

京三稜二兩青皮洗一兩皂角三入挺煨存性

右入百草霜三匙同碾為末麝香如蘇仁大每服十丸至

二十丸止脾積氣陳皮湯下口吐酸水淡姜湯下嘔吐霍香

甘草湯下小腸氣炒茴香酒下婦人血氣刺痛淡醋湯下

吐菖蒲湯下小兒疳氣史君子湯下此藥以五更初服利於
五行後用白粥補

○已上諸方辛溫消散疎利之劑

調胃承氣湯

小承氣湯

大承氣湯 已上三方治心腹痛初得時元氣未虛用此藥

湯 俱見傷寒

桃仁承氣湯 治因跌撲損傷瘀血作腹痛者

內加當歸蘇木紅花入酒童便煎服下之 方見吐血

木香枳榔丸 治因飲食一切積聚作腹痛者用此藥消導

去為佳 方見鼓脹

神妙列仙散

治因酒所傷以致心腹痛者用此藥消導之果

妙

見傷食

備急大黃丸

治心腹諸痛卒暴百病用此藥推逐即愈

見傷食

○已上數方辛寒消導推蕩之劑

丹溪心法

○腹中窄狹須用蒼朮

若肥人自覺腹中窄狹乃是濕痰流

灌臟腑氣不升降燥飲用蒼朮行氣香附

如瘦人自覺腹中

窄狹乃是熱氣薰蒸臟腑宜黃連蒼朮

丹溪心法附餘十五卷

終

